

pedc

ხელშეკრულება №680
(სახელმწიფო შესყიდვების შესახებ)

ქ. თბილისი

25 ნოემბერი 2014 წ.

ერთის მხრივ სსიპ „ლ. საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრის“ (შემდგომში „შემსყიდველი“) წარმოდგენილი მისი გენერალური დირექტორის - ტარიელ ჭანტურიძის სახით და მეორეს მხრივ, შპს „ბეიკერ ტილი ჯორჯია“ (შემდგომში „მიმწოდებელი“) წარმოდგენილი მისი მმართველი პარტნიორის - ივანე ჯელიას სახით, ვთანხმდებით შემდეგზე:

1. ხელშეკრულების შესყიდვის ობიექტი

1.1. სსიპ „ლ.საყვარელიძის სახ. დაავადებათა კონტროლისა და საზოგადოებრივი ჯანმრთელობის ეროვნული ცენტრისთვის“ ევროკომისიის და გაეროს დანაშაულისა და სამართლის რეგიონთაშორისი კვლევითი ინსტიტუტის (EU/UNICRI) მიერ დაფინანსებული პროექტების B1 - „რეგიონალური ტრენინგის, ბიოუსაფრთხოების, ბიოდაცვის და ლაბორატორული მენეჯმენტის რესურს-ცენტრის დაარსება სამხრეთ კავკასიაში“ და C4 - „ბიოუსაფრთხოების და ბიოლოგიური დაცვის რისკის მართვა საქართველოსთვის“ ფარგლებში 15.08.2013-15.11.2014 პერიოდის ფინანსური აუდიტორული მომსახურების (შემდგომში „მომსახურება“) შესყიდვა (CPV - 79200000).

2. ხელშეკრულების საფუძველი

2.1. „სახელმწიფო შესყიდვების შესახებ“ საქართველოს კანონის მე-3 მუხლის, პირველი პუნქტის „ს1“ ქვეპუნქტი.

2.2 სახელმწიფო შესყიდვების სააგენტოს თავჯდომარის 2011 წლის 7 აპრილის №9 ბრძანებით დამტკიცებული „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესი“.

2.3 დაფინანსების წყარო: ევროკავშირი/გაეროს კრიმინალის და სამართლის რეგიონთაშორისი კვლევითი ინსტიტუტი - EU/UNICRI-ს პროგრამის პროექტების ფარგლებში B1 - „ბიოლოგიური უსაფრთხოებისა და ბიოლოგიური დაცვის რეგიონული ტრენინგ და რესურს ცენტრის შექმნა სამხრეთ კავკასიაში“ და C4 - „ბიოუსაფრთხოების და ბიოლოგიური დაცვის რისკის მართვა საქართველოსთვის“

3. ხელშეკრულების საერთო ღირებულება

3.1. ხელშეკრულების საერთო ღირებულება შეადგენს 4500.00 (ოთხიათას ხუთასი) ლარს, დღგ-ს გარეშე.

4. ხელშეკრულების კონტროლი

4.1. ხელშეკრულების შესრულების კონტროლს განახორციელებს - „შემსყიდველის“ სახელმწიფო შესყიდვების ხელშეკრულებების შესრულების კონტროლის ჯგუფი ან/და შესაბამისი ფუნქციებით აღჭურვილი პირი რომელიც წარმოქმნილი საჭიროებიდან გამომდინარე, განახორციელებს ინსპექტირებას, რაც გულისხმობს ხელშეკრულების პირობების შესრულების კონტროლს.

4.2. ინსპექტირების განხორციელებასთან დაკავშირებული ყველა საჭირო საბუთის წარდგენა, ფინანსური ხარჯის და საორგანიზაციო საკითხების გადაწყვეტა ეკისრება მიმწოდებელს.

5. შესყიდვის ობიექტის ხარისხი

5.1. „მომსახურების“ უხარისხობის შემთხვევაში „შემსყიდველი“ წერილობით აცნობებს „მიმწოდებელს“ წუნდების მიზეზების მითითებით. „მიმწოდებელი“ საკუთარი სახსრებით უზრუნველყოფს შესყიდვის ობიექტის ნაკლის აღმოფხვრას „შემსყიდველის“ ინტერესების გათვალისწინებით.

6. შესყიდვის ობიექტის მიწოდების პირობები, ადგილი და ვადები

- 6.1. „მომსახურების“ გაწევის ადგილი: სსიპ „ლ.საყვარელიძის სახ. დაავადებათა კონტროლის და საზოგადოებრივი ჯანმრთელობის ეროვნული ცენტრი“, თბილისი, მ. ასათიანის ქ. #9.
- 6.2. „მომსახურების“ გაწევის ვადა: ხელშეკრულების გაფორმებიდან 30 კალენდარული დღის ვადაში.

7. შესყიდვის ობიექტის მიღება-ჩაბარების წესი


- 7.1. მომსახურების მიწოდების დასრულების შემდგომ ფორმდება მიღება-ჩაბარების აქტი.
- 7.2. შემსყიდველი ორგანიზაციის მიერ განხორციელდება მოწოდებული მომსახურების შემოწმება, რომელსაც განახორციელებს შემსყიდველი ორგანიზაციის მიერ სპეციალურად შექმნილი ინსპექტირების ჯგუფი.
- 7.3. წარმოდგენილ ანგარიშ ფაქტურას ან/და სასაქონლო ზედნადებს შემსყიდველის მხრიდან ხელს აწერს სათანადოდ უფლებამოსილი წარმომადგენელი, ხოლო მიმწოდებლის მხრიდან მის მიერ უფლებამოსილი პირი.
- 7.4. მიმწოდებელმა უნდა უზრუნველყოს შემსყიდველისათვის 7.3. პუნქტში მითითებული დოკუმენტაციის წარდგენა მომსახურების დანიშნულების ადგილზე მიწოდებისთანავე. პასუხისმგებლობა შემსყიდველის მიერ აღნიშნული დოკუმენტაციის დაგვიანებით მიღების ან მიუღებლობის შედეგად წარმოქმნილი ყველა ხარჯებისათვის ეკისრება მიმწოდებელს.
- 7.5. „მომსახურების“ მიღების დროს გამოვლენილი დეფექტისა და ნაკლის აღმოფხვრას, საკუთარი ხარჯებით უზრუნველყოფს „მიმწოდებელი“.
- 7.6. იმ შემთხვევაში, თუ „შემსყიდველის“ მიერ საბოლოო შემოწმების შედეგად გამოვლენილი იქნება „მომსახურების“ უხარისხობა, იგი წერილობით აცნობებს „მიმწოდებელს“ წუნდების მიზეზების მითითებით და მოითხოვს სათანადო კომპენსაციას.

8. ანგარიშსწორების წესი, ფორმა და ვადები

- 8.1. ანგარიშსწორების ფორმა იქნება: უნაღდო ანგარიშსწორება მიმწოდებლის საბანკო ანგარიშზე თანხის ჩარიცხვის გზით ფაქტობრივად გაწეული მომსახურების შესაბამისად.
- 8.2. ხელშეკრულების სრული ღირებულებიდან **3500.00** ლარი ანაზღაურდება პროექტის B1- „ბიოლოგიური უსაფრთხოებისა და ბიოლოგიური დაცვის რეგიონული ტრენინგ და რესურს ცენტრის შექმნა სამხრეთ კავკასიაში“ ფარგლებში, ხოლო **1000.00** ლარი პროექტის C4 - „ბიოუსაფრთხოების და ბიოლოგიური დაცვის რისკის მართვა საქართველოსთვის“ ფარგლებში.
- 8.3. ანგარიშსწორება განხორციელდება მიღება-ჩაბარების გაფორმების შემდეგ, არაუგვიანეს 2014 წლის 31 დეკემბრისა.
- 8.4. ანგარიშსწორება განხორციელდება ლარში.

9. მხარეთა უფლება-მოვალეობები

- 9.1. „შემსყიდველი“ ვალდებულია:
- 9.1.1. აცნობოს „მიმწოდებელს“ ყველა ცვლილებათა შესახებ, რომელიც პირდაპირ ან ირიბად შეიძლება ეხებოდეს ხელშეკრულების პირობებს.
- 9.2. „მიმწოდებელი“ ვალდებულია:
- 9.2.1. განახორციელოს ხელშეკრულებით გათვალისწინებული პროექტების საბუღალტრო და ფინანსური ვალდებულებებისა და ოპერაციების სისწორე-სიზუსტის შემოწმება და პროგრამებით გათვალისწინებული საქონლის/მომსახურების შესყიდვების საქართველოს კანონმდებლობასთან შესაბამისობის დადგენა. განხორციელებული ფინანსური ოპერაციების EU/UNICRI-ის ხელშეკრულებასთან შესაბამისობის დადგენა.
- 9.2.2. შეაფასოს პროექტების შესამოწმებელი პერიოდის (15.08.2013-15.11.2014) განმავლობაში შესყიდული

11. 

საქონლისა და მომსახურების ფინანსური და საბუღალტრო ანგარიშების სიზუსტე და სისწორე, მისი შესაბამისობა წარმოდგენილ საბუთებთან და ამ მომსახურების ღირებულების შესაბამისობა პროექტების ბიუჯეტით გათვალისწინებულ ღირებულებასთან;

9.2.3. წარმოადგინოს თითოეული პროექტის ფარგლებში განხორციელებული ფინანსური და საბუღალტრო ანგარიშგების შესახებ დასკვნები ცალ-ცალკე ანგარიშგებში.

9.2.4. აუდიტის დასკვნა შეუსაბამოს დაავადებათა კონტროლისა და საზოგადოებრივი ჯანმრთელობის ეროვნულ ცენტრსა და ევროკავშირი/გაეროს დანაშაულისა და სამართლის რეგიონთაშორისი კვლევით ინსტიტუტს შორის გაფორმებული ურთიერთშეთანხმების მემორანდუმებს და მათ დანართებს.

9.2.5. აუდიტორული მომსახურებით დაადგინოს პროექტის ბიუჯეტთან ანგარიშსწორების სისწორე.

9.2.6. აუდიტორულ დასკვნასთან ერთად წარმოადგინოს რეკომენდაციები შემდგომი საქმიანობის სწორად და ზუსტად განხორციელების მიზნით.

9.2.7. აუდიტორული შეფასების დასკვნა და რეკომენდაციები წარმოადგინოს ქართულ და ინგლისურ ენებზე.

9.2.8. მიაწოდოს „შემსყიდველს“ „მომსახურება“, რომელიც სრულად შეესაბამება ხარისხით და სხვა ყველა მონაცემებით „შემსყიდველის“ დაკვეთას.

9.2.9. დროულად შეასრულოს ხელშეკრულებით ნაკისრი ყველა ვალდებულება.

9.3 „შემსყიდველი“ უფლებამოსილია:

9.3.1. მოითხოვოს „მიმწოდებლისაგან“ ხელშეკრულების ყველა პუნქტის აუცილებელი შესრულება.

9.3.2 უარი განაცხადოს ხელშეკრულების პირობების შესრულებაზე იმ შემთხვევაში, თუ „მიმწოდებელი“ დარღვევს ხელშეკრულებით ნაკისრ ვალდებულებებს ან მის წინაშე დადგენა დაუძლეველი ძალა.

9.3.3. არ სცნოს „მიმწოდებლის“ არცერთი ვალდებულება, რომელიც არაა განსაზღვრული ამ ხელშეკრულებით.

9.4 „მიმწოდებელი“ უფლებამოსილია:

9.4.1 მოითხოვოს „შემსყიდველისაგან“ მის მიერ მიწოდებული „მომსახურების“ ღირებულების სრული ანაზღაურება.

9.4.2. განაცხადოს უარი ხელშეკრულების შესრულებაზე ან მის გაგრძელებაზე, თუ „შემსყიდველის“ მიერ სახელშეკრულებო პირობების შეუსრულებლობის გამო მისთვის შეუძლებელი ხდება „მომსახურების“ მიწოდება ან მის წინაშე დადგა დაუძლეველი ძალა.

9.4.3. აწარმოოს მოლაპარაკება „შემსყიდველთან“ სახელშეკრულებო პირობებში კანონით დაშვებული ცვლილებების შეტანისათვის.

9.4.4. მიმართოს სასამართლოს ან სხვა ორგანოებს „შემსყიდველის“ მიერ ხელშეკრულების პირობების დარღვევის გამო.

9.4.5. მოითხოვოს „შემსყიდველისაგან“ რეალური ზარალის ანაზღაურება, რაც გამოიწვია მისი მხრიდან ამ ხელშეკრულების პირობების დარღვევამ.

10. პირგასამტეხლო


10.1. ხელშეკრულებით ნაკისრი ვალდებულების შეუსრულებლობის ან/და არაჯეროვნად შესრულებისათვის მხარეებს ეკისრებათ პირგასამტეხლოს გადახდა.

10.2. მიმწოდებლის მიერ მოწოდების ვადების ვადების გადაცდენის შემთხვევაში ეკისრება პირგასამტეხლოს გადახდა ყოველ ვადაგადაცილებულ დღეზე გაანგარიშებით ხელშეკრულების ღირებულების 0,1%-ს ოდენობით.

10.3. შემსყიდველის მიერ ამ ხელშეკრულებით განსაზღვრული ანგარიშწირების ვადების გადაცილების შემთხვევაში ეკისრება პირგასამტეხლოს გადახდა ყოველ ვადაგადაცილებულ დღეზე გაანგარიშებით კონკრეტული შესრულებისათვის გადასახდელი ღირებულების 0,1%-ს ოდენობით.

10.4. ხელშეკრულების გათვალისწინებული სხვა პირობების დარღვევის შემთხვევაში, ყოველი მხარე ერთჯერადად იხდის პირგასამტეხლოს ხელშეკრულების ღირებულების 1%-ს ოდენობით.

10.5. იმ შემთხვევაში, თუ პირგასამტეხლოს ჯამური თანხა გადააჭარბებს ხელშეკრულების ღირებულების

11. 

2%-ს მხარეს უფლება აქვს ცალმხრივად შეწყვიტოს ხელშეკრულება და მოითხოვოს მიყენებული ზარალის ანაზღაურება.

10.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.

10.7. მხარეები ვალდებულებას იღებენ უზრუნველყონ პირგასამტეხლოს თანხის გადახდა წერილობითი შეტყობინების მიღებიდან 10 (ათი) დღის განმავლობაში

11. დაუძლეველი ძალის მოქმედება

11.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა არის დაუძლეველ გარემოებათა შედეგი.

11.2. ამ მუხლის მიზნებისათვის „დაუძლეველი ძალა“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და მას გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას საბრძოლო მოქმედებებით, წყალდიდობით, ეპიდემიით, კრანტინით, და სხვა მასთან გათანაბრებული მოვლენებით. რომელსაც ცნობენ მხარეები.

11.3. დაუძლეველი გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება აღწერილობით გარემოებებისა და მათი გამოძწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობათა მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებოდნენ დაუძლეველი გარემოებების ზეგავლენისაგან.

11.4. დაუძლეველი ძალის არსებობა, უკიდურეს შემთხვევათა გარდა, უნდა იყოს დადასტურებული ოფიციალური ორგანოების მიერ, პრესის ან სხვა მხარეებისათვის მისაღები ფორმით.

12. სადავო საკითხების გადაწყვეტა

12.1. „შემსყიდველმა“ და „მიმწოდებელმა“ უნდა იხმაროს ყველა ღონე, რათა მათ შორის, ყველა უთანხმოება და დავა, წარმოქმნილი ხელშეკრულების ან მასთან დაკავშირებული სხვა კომპონენტის ირგვლივ, მოაგვარონ მოლაპარაკების წესით.

12.2. თუ „შემსყიდველი“ და „მიმწოდებელი“ ვერ შეძლებენ სადავო საკითხის მოგვარებას მოლაპარაკების გამართვის შემდეგ, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს სასამართლოს, რის შესახებაც იგი წინასწარ აცნობებს მეორე მხარეს.

13. გამოსაყენებელი სამართალი

13.1. ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

14. ხელშეკრულების ენა

14.1. ხელშეკრულების ენაა ქართული. ხელშეკრულებასთან დაკავშირებული მთელი წერილობითი მოლაპარაკებები და სხვა დოკუმენტაცია, რომელიც გაცვლება მხარეთა შორის უნდა შეესაბამებოდეს სახელშეკრულებო პირობებს.

15. ურთიერთობა მხარეებს შორის

- 15.1. ნებისმიერი შეტყობინება, რომელსაც ერთი მხარე, ხელშეკრულების შესაბამისად, უგზავნის მეორე მხარეს, გაიგზავნება წერილის სახით, ორიგინალის შემდგომი წარმოდგენით, ხელშეკრულებაში მითითებული მეორე მხარის მისამართზე.
- 15.2. შეტყობინება შედის ძალაში ადრესატის მიერ მისი მიღების დღეს ან შეტყობინების ძალაში შესვლის დადგენილ დღეს, იმის მიხედვით, თუ ამ თარიღებიდან რომელი უფრო გვიან დგება.

16. ხელშეკრულების სხვა პირობები

- 16.1. ხელშეკრულებაში ცვლილებების შეტანა ხდება მხოლოდ მხარეების მიერ წერილობითი შეთანხმებით, რომელიც წარმოადგენს ხელშეკრულების განუყოფელ ნაწილს.
- 16.2. „მიმწოდებელს“ არ აქვს უფლება „შემსყიდველის“ წერილობითი თანხმობის გარეშე მოახდინოს მესამე პირისათვის უფლებების გადაცემა.
- 16.3. ხელშეკრულების პირობების შეცვლა დაუშვებელია, თუ ამ ცვლილებების შედეგად იზრდება ხელშეკრულების ღირებულება ან უარესდება ხელშეკრულების პირობები, გარდა საქართველოს სამოქალაქო კოდექსით განსაზღვრული შემთხვევებისა.
- 16.4. ხელშეკრულების შესრულების შეფერხების შემთხვევაში მხარეები დაუყოვნებლივ წერილობით აცხადებენ ერთმანეთს და ღებულობენ ერთობლივ გადაწყვეტილებას.

17. ხელშეკრულების მოქმედების ვადა

- 17.1. ხელშეკრულება შედის ძალაში მხარეთა მიერ ხელშეკრულებაზე ხელის მოწერის თარიღიდან.
- 17.2. ხელშეკრულების მოქმედების ვადა განისაზღვრება 2015 წლის 31 იანვრის ჩათვლით..
- 17.3. ხელშეკრულების მოქმედების ვადებში ცვლილება შესაძლებელია მხოლოდ მხარეთა ურთიერთშეთანხმებით.
- 17.4. ურთიერთობა მხარეებს შორის წყდება მხარეების მიერ ყველა ვალდებულებათა შესრულებისა და დებიტორულ-კრედიტორულ დავალიანებათა დაფარვის შემდგომ.

18. განსაკუთრებული შენიშვნები

- 18.1. ხელშეკრულება დგება სამ თანაბარძალოვან ეგზემპლარად, საიდანაც ერთი ეგზემპლარი გადაეცემა „მიმწოდებელს“, ხოლო ორი ინახება „შემსყიდველთან“.

19. მხარეთა რეკვიზიტები

„შემსყიდველი“

სსიპ „ლ. საყვარელიძის სახ. დაავადებათა კონტროლის და საზოგ. ჯანმრთელობის ეროვნული ცენტრი“
 მისამართი: თბილისი, მ.ასათიანის 9
 საიდენტიფიკაციო კოდი: 211324351
 სახელმწიფო ხაზინა: TRESGE22
 ა/ნ: GE24NB0330100200165022


გენერალური დირექტორის მოადგილე:



ტარიელ ჭანტურიძე

„მიმწოდებელი“

შპს „ბეიკერ ტილი ჯორჯია“
 იურიდიული მისამართი: ქ. თბილისი, ვაჟა ფშაველას #41
 ფაქტ/მისამართი: ქ.თბილისი, კ.აფხაზის #44
 საიდენტიფიკაციო კოდი: 211325056
 სს „თიბისი ბანკი“
 ბანკის კოდი: TBCBGE22
 GE97TB0600000011467413
 მმართველი პარტნიორი:



ივანე ჯელია